

Kappilied

(schwiizerdütsch)

1. Fahrsch du mit em Zug uf Züri
wenn vo Basel here chunnsch,
zwöschet Zmittag und em Zvieri,
fahrsch du dor de Kappelerhof.

Refr. Det wo d'Limmat ruuscht, det im grüne Tal,
ach wie glücklich sind do d'Mänsche allimal.
Do fährt gar keis Tram, nur de Autobus
und de Zug saust do verbii mit grossem Schuss.

:Mini einzigi Heimat, min Kappi bisch du,
nach dir läbt im Herze mini Sehnsucht ohni Ruh.:

2. Grossi Hüüser und ganz chliini,
Wolkechratzer findsch du au,
Denner, Beck und euses Schuelhuus
Quelle und de Bruggi au.

3. Kappi isch e Weltstadt worde
internationali Lüt,
seisch du fründli guete n'Obe
verschoht der ander vellicht nüt.

4. Gosch am Obig go spaziere,
abe bis zum Kappisee
zäme ächli go flaniere
und au Tier am Wasser gseh.

5. Chönnt ich nümm im Kappi wohne,
tät mis Herz so furchtbar weh,
zügle würd sich höchstens lohne
wäg de Freud am Wiederseh.

6. 100 Jahr sind schnell vergange
s'isch e langi, langi Ziiit
me tüend scho alli zäme plange
will's do öppis z'fäschte git

7. Und so simmer jetzt im Fieber
uf's grosse Jubiläumsfäscht
alli wo de Kappi liebe
und au eusi viele Gäscht

Version "100 Jahr Jubiläum"